

聖

持身

常樅曰過故鄉而下車子知之乎老子曰過故鄉而下車
非謂其不忘故那常樅曰嘻是已常樅曰過喬木而趨子
知之乎老子曰過喬木而趨非謂敬老那常樅曰嘻是已
張其口而示老子曰吾舌存乎老子曰然吾齒存乎老子
曰亡常樅曰子知之乎老子曰夫舌之存也豈非以其治
之柔那齒之亡也豈非以其剛那常樅曰嘻是已

說苑敬慎

柔存

韓平子問於叔向曰剛與柔孰堅對曰臣年八十矣齒再
墮而舌尚存

說苑敬慎

貴柔

平子曰柔無乃脆乎叔向日柔者紐而不折廉而不缺何為脆也天之道微者勝是以兩軍相加而柔者克之兩仇爭利而弱者得焉

說苑敬慎

戒剛

金剛則折革剛則裂人君剛則國家滅人臣剛則交友絕

說苑敬慎

貴和

是故四馬不和取道不長父子不和其世破亡兄弟不和不能久同夫妻不和家室大凶

說苑敬慎

行少

夫華多實少者天也言多行少者人也

說苑敬慎

貪利

夫飛鳥以山為卑而層巢其巔魚鱉以淵為淺而穿穴其中然所以得者餌也君子苟能無以利害身則辱安從至乎

說苑敬慎

慎終

官怠於宦成病加於少愈禍生於懈惰孝衰於妻子察此四者慎終如始詩曰靡不有初鮮克有終

說苑敬慎

忘甚

魯哀公問孔子曰予聞忘之甚者徒而忘其妻有諸乎孔子對曰此非忘之甚者也忘之甚者忘其身

說苑教慎

忽微

熒熒不滅炎炎奈何涓涓不壅將成江河絲絲不絕將成網羅青青不伐將尋斧柯

說苑教慎

惡本

是猶秋蓬惡於根本而美於枝葉秋風一起根且拔矣

說苑

教慎

不待

樹欲靜乎風不定子欲養乎親不待往而不來者年也不

可得再見者親也

說苑教慎

慎從

孔子見羅者其所得者皆黃口也孔子曰黃口盡得大爵獨不得何也羅者對曰黃口從大爵者不得大爵從黃口者可得孔子顧謂弟子曰君子慎所從不得其人則有羅

網之患

說苑教慎

危道

夫傲幸者伐性之斧也嗜欲者逐禍之馬也謾諛者窮辱之舍也取虐於人者趨禍之路也

說苑教慎

教益

敬人者非敬人也自敬也貴人者非貴人也自貴也昔者
吾嘗見天雨金石與血吾嘗見四月十日並出有與天滑
吾嘗見高山之崩深谷之窒大都王宮之破大國之滅吾
嘗見高山之為裂深淵之沙竭貴人之車裂吾嘗見稠林
之無木平原為谿谷君子為御僕吾嘗見江河乾為坑正
冬采榆葉仲夏雨雪霜千乘之君萬乘之主死而不葬是
故君子敬以成其名小人敬以除其刑

說苑敬慎

戒幸

對君之坐豈不安哉尚有差跌一食之上豈不美哉尚有
哽噎今若泥所謂幸者也固未能自必

說苑敬慎

防害

鴻鵠飛冲天豈不高哉矰繳尚得而加之虎豹為猛人尚
食其肉席其皮

說苑敬慎

慮禍

行者比於鳥上畏鷹鷂下畏網羅夫人為善者少為謔者
多若身不死安知禍罪不施

說苑敬慎

與憂

大王獨不聞古之將曰桓司馬者朝朝具君舉而晏御呼
車驂亦呼車御肘其驂日子何越云為乎何為藉呼車驂
謂其御曰當呼者呼乃吾事也子當御正子之轡銜耳子

今不正轡銜使馬卒然驚妄轅道中行人必逢大敵下車
免劔涉血履肝老固吾事也子寧能辟子之轡下佐我乎
其禍亦及吾身與有深憂吾安得無呼車哉今大王曰食
肉者已慮之矣藿食者尚何與焉設使食肉者一旦失計
於廟堂之上若臣等之藿食者寧得無肝膽塗地於中原
之野與其禍亦及臣之身臣與有其憂深臣安得無與國
家之計乎

說苑善說

借諭

惠子曰今有人於此而不知彈者曰彈之狀何若應曰彈
之狀如彈則諭乎王曰未諭也於是更應曰彈之狀如弓

而以竹為弦則知乎王曰可知矣惠子曰夫說者固以其
所知諭其所不知而使人知之今王曰無譬則不可矣

善說

說苑

材薄

縷因針而入不因針而急嫁女因媒而成不因媒而親夫
子之材必薄矣尚何怨乎寡人哉

說苑善說

屬失

臣聞周氏之譽韓氏之盧天下疾狗也見菟而指屬則無
失菟矣望見而放狗也則累世不能得菟矣狗非不能屬
之者罪也

說苑善說

為忠

昔華舟杞梁戰而死其妻悲之向城而哭隅為之崩城為之弛君子誠能刑於內則物應於外矣夫土壤且可為忠况有食穀之君子

說苑善說

託然

臣見鷦鷯巢於葦苕著之髮毛建之女工不能為也可謂完堅矣大風至則苕折卵破子死者何也其所託者使然也且夫狐者人之所攻也鼠者人之所燻也臣未嘗見稷狐見攻社鼠見燻也何則所託者然也

說苑善說

服事

夫服事何足以端士行乎昔者荆為長劍危冠令尹子西出馬齊短衣而遂僕之冠管仲隰朋出馬越文身鬣髮范蠡大夫種出馬西戎左衽而椎結由余亦出馬即如君言衣狗裘者當犬吠衣羊裘者當羊鳴且君衣狐裘而朝意者得無為變乎

說苑善說

勇悍

子真為勇悍矣今未嘗見子之奇辨也一鄰之鬪也千乘之勝也

說苑善說

勇悍

夫登高臨危而目不眴而足不陵者此工匠之所勇悍也

入深淵刺蛟龍抱龜鼉而出者此漁夫之勇悍也入深山
刺虎豹抱熊羆而出者此獵夫之勇悍也不難斷頭裂腹
暴骨流血中野者此武夫之勇悍也今臣居廣廷作色端
辨以犯主君之怒前雖有乘軒之賞未為之動也後雖有
斧質之威未為之恐也此既之所以為勇悍也

說苑善說

可託

吾聞上士可以託色中士可以託辭下士可以託財三者
固可得而託耶

說苑善說

相得

詩曰誰能亨魚漑之釜鬻孰將西歸懷之好音此之謂也

物之相得固微甚矣

說苑善說

惠遲

莊周貧者往貸粟於魏文侯曰待吾邑粟之來而獻之周
曰乃今者周之來見道傍牛蹄中有鮒魚焉大息謂周曰
我尚可活也周曰湏我為汝南見楚王決江淮以漑汝鮒
魚曰今吾命在盆甕之中耳乃為我見楚王決江淮以漑
我汝則求我枯魚之肆矣今周以貧故來貸粟而曰湏我
邑粟來也而賜臣即來亦求臣傭肆矣

說苑善說

難增

子貢見太宰嚭太宰嚭問曰孔子何如對曰臣不足以知

之太宰曰子不知何以事之對曰惟不知故事之夫子其猶大山林也百姓各足其材焉太宰語曰子增夫子乎對曰夫子不可增也夫賜其猶一累壤也以一累壤增大山不益其高且為不知太宰語曰然則子有所酌也對曰天下有大尊而子獨不酌焉不識誰之罪也

說苑善說

知足

子貢曰賜譬渴者之飲江海知足而已孔子猶江海也賜則奚足以識之

說苑善說

不知

今謂天高無少長愚智皆知高高幾何皆曰不知也是以

知仲尼之賢而不知其奚若

說苑善說

挺撞

建天下之鳴鍾而撞之以挺豈能發其聲乎哉君問先生無乃猶以挺撞乎

說苑善說

制辭

趙王遣使者之楚方鼓瑟而遣之誠之曰必如吾言使者曰王之鼓瑟未嘗悲若此也王曰宮商固方調矣使者曰調則何不書其柱耶王曰天有燥濕絃有緩急宮商移徙不可知是以不書使者曰明君之使人也任之以事不制以辭遭吉則賀之凶則吊之今楚趙相去千有餘里吉凶

憂患不可豫知猶柱之不可書也 說苑善說

免患

臣聞之乞火不得不望其砲矣今使柳下惠於齊縱不解於齊兵終不愈益攻於魯矣 說苑善說

求遲

寡人所謂飢而求黍稷渴而穿井者未嘗能以歡喜見子今國事急百姓恐懼願藉子大夫使齊 說苑善說

冠履

冠雖弊宜加其上履雖新宜居其下周室雖微諸侯未之能易也 說苑善說

土異

江南有橘齊王使人取之而樹之於江北生不為橘乃為枳所以然者何其土地使之然也今齊人居齊不盜來之荆而盜得無土地使之然乎 說苑善說

必巨

江海之魚吞舟大國之樹必巨 說苑善說

衆智

聖王之舉事必先諦之於謀慮而後考之於耆龜白屋之士皆關其謀芻蕘之役咸盡其心故萬舉而無遺籌失策傳曰衆人之智可以測天兼聽獨斷惟在一人大謀之

術也

說苑權謀

傷類

割胎焚天則麒麟不至乾澤而漁蛟龍不遊覆巢毀卵則鳳凰不翔丘聞之君子重傷其類者也

說苑權謀

將亡

病之將死也不可為良醫國之將亡也不可為計謀吾數諫吾君吾君不用是以知國之將亡也

說苑權謀

徙薪

臣聞客有過主人者見竈直突傍有積薪客謂主人曰曲其突遠其積薪不者將有火患主人嘿然不應居有幾何

家果失火鄉聚里中人哀而救之火幸息於是殺牛置酒燔髮灼爛者在上行餘各用功次坐而反不錄言曲突者向使主人聽客之言不費牛酒終無火患今茂陵徐福數上書言霍氏且有變宜防絕之向使福說得行則無裂地出爵之費而國安平自如今往事既已而福獨不得與其功惟陛下察客徙薪曲突之策而使居燔髮灼爛之右

權謀

說苑

利擊

彗星見彼操其柄我操其標以掃則彼利以擊則我利

說苑

權謀

棄毒

且夫吳若蜂蠆然不棄毒於人則不靜余恐棄毒於我也

說苑權謀

見兆

孔子問漆雕馬人曰子事臧文仲武仲孺子容三大夫者孰為賢漆雕馬人對曰臧氏家有龜馬名曰蔡文仲立三年為一兆馬武仲立三年為二兆馬孺子容立三年為三兆馬馬人見之矣若夫三大夫之賢不賢馬人不識也孔子曰君子於漆雕氏之子其言人之美也隱而顯其言人之過也微而著故智不能及明不能見得無數卜乎

說苑權謀

遺躑

去天下若遺躑於天下猶然况其細於天下乎

說苑至公

公行

善為吏者樹德不善為吏者樹怨公行之也其子羔之謂

歟

說苑至公

凌小

大之伐小強之伐弱猶大魚之吞小魚也若虎之食豚也

惡有其不得理

說苑指武

不離

如麗之守户如輪之逐馬

說苑指武

附民

文王不能使不附之民先軫不能戰不教之卒造父王良不能以弊車不作之馬趨疾而致遠羿逢蒙不能以枉矢弱弓射遠中微故強弱成敗之要在乎附士卒教習之而已

說苑指武

必死

故一人必死十人弗能待也十人必死百人弗能待也百人必死千人弗能待也千人必死萬人弗能待也萬人必死橫行乎天下令行禁止王者之師也

說苑指武

猶與

故將者士之心也士者將之肢體也心猶與則肢體不用

說苑指武

異類

鮑魚蘭芷不同篋而藏堯舜桀紂不同國而治

說苑指武

難全

意不並銳事不兩隆盛於彼者必衰於此長於左者必短於右熹夜卧者不能蚤起也

說苑談叢

行節

鸞設於鑣和設於軾馬動而鸞鳴鸞鳴而和應行之節也

說苑談叢

居要

一圍之木持千鈞之屋五寸之鍵而制開闔豈材足任哉
蓋所居要也 說苑談叢

小害

夫小快害義小慧害道小辨害治 說苑談叢

勢難

蛟龍雖神不能以白日去其倫飄風雖疾不能以陰雨揚
其塵 說苑談叢

醜聲

邑名勝母曾子不入水名盜泉孔子不飲醜其聲也 說苑談叢

非全

不修其身求之於人是謂失倫不治其內而修其外是謂
大廢重載而危之操策而隨之非所以為全也 說苑談叢

將昌

邦君將昌天遺其道大夫將昌天遺之士庶人將昌必有
良子 說苑談叢

自著

聲無細而不聞行無隱而不明 說苑談叢

難強

時不至不可強生也事不究不可強成也 說苑談叢

先餘

貞良而亡先人餘殃猖獗而活先人餘烈 說苑談叢

所取

權取重澤取長 說苑談叢

定分

冠雖故必加於首履雖新必關於足上下有分不可相倍

說苑談叢

道本

萬物得其本者生百事得其道者成 說苑談叢

趨厚

屋漏者民去之水淺者魚逃之樹高者鳥宿之德厚者士

趨之 說苑談叢

本基

必貴以賤為本必高以下為基 說苑談叢

必先

天將與之必先苦之天將毀之必先累之 說苑談叢

有士

十步之澤必有香草十室之邑必有忠士 說苑談叢

不隨

草木秋死松栢獨在水浮萬物玉石留止 說苑談叢

乘效

乘輿馬不勞致千里乘船楫不游絕江海說苑談叢

過懲

一噎之故絕穀不食一蹶之故却足不行說苑談叢

章明

心如天地者明行如繩墨者章說苑談叢

害大

蠹蝼仆柱梁蚊蝱走牛羊說苑談叢

慎言

一言而非四馬不能追一言不急四馬不能及說苑談叢

助備

順風而飛以助氣力銜葭而翔以備矰弋說苑談叢

公明

鏡以精明美惡自服衡平無私輕重自得說苑談叢

所託

蓬生泉中不扶自直白砂入泥與之皆黑說苑談叢

得時

君子得時如水小人得時如火說苑談叢

本根

食其口而百節肥灌其本而枝葉茂本傷者枝槁根深者

末厚 說苑談叢

廉義

義士不欺心廉士不妄取以財為草以身為寶 說苑談叢

早慮

富必念貧壯必念老年雖幼少慮之必早 說苑談叢

起視

踈人日夜顧一起育不忘視 說苑談叢

易歇

江河之溢不過三日飄風暴雨湏臾而畢 說苑談叢

勢易

循流而下易以至倍風而馳易以遠 說苑談叢

貴豫

兵不豫定無以待敵計不先慮無以應卒 說苑談叢

方圜

中不方名不章外不圜禍之門 說苑談叢

直方

直而不能枉不可與大任方而不能圜不可與長存 說苑談叢

禍及

脣亡而齒寒河水崩其懷在山 說苑談叢

抑情

毒智者莫甚於酒留事者莫甚於樂毀廉者莫甚於色摧
剛者反已於弱

說苑談叢

技精

蒲且修繳鳧鴈悲鳴逢蒙撫弓虎豹晨嘯

說苑談叢

道德

河以委蛇故能遠山以陵遲故能高道以優遊故能化德
以純厚故能豪

說苑談叢

言人

言人之善澤於膏沐言人之惡痛於矛戟

說苑談叢

終失

為善不直必終其曲為醜不釋必終其惡

說苑談叢

見交

一死一生乃知交情一貧一富乃知交態一貴一賤交情
乃見一浮一沒交情乃出

說苑談叢

自潔

初沐者必拭冠新浴者必振衣

說苑談叢

敗亡

敗軍之將不可言勇亡國之臣不可言智

說苑談叢

隘小

坎井無黿鼉者隘也園中無修林者小也

說苑談叢

殘賊

小忠大忠之賊也小利大利之殘也 說苑談叢

激名

水激則悍矢激則遠人激於名不毀為聲 說苑談叢

妨害

窮鄉多曲學小辯害大知巧言使信廢小惠妨大義 說苑談叢

在早

不困在於早慮不窮在於早豫 說苑談叢

變興

江河大潰從蟻穴山以小阨而大崩淫亂之漸其變為興

說苑談叢

正倚

卑而正者可增高而倚者且崩 說苑談叢

直別

直如矢者死直如繩者稱 說苑談叢

先知

見亡知存見霜知水 說苑談叢

不愛

父不能愛無益之子君不能愛不軌之民 說苑談叢

善治

問善御者莫如馬問善治者莫如民 說苑談叢

倍信

水倍淵則川竭人倍信則名不達 說苑談叢

鄙愚

有鄙心者不可授便勢有愚質者不可予利器 說苑談叢

異類

冠履不同藏賢不肖不同位 說苑談叢

更行

梟逢鳩鳩曰子將安之梟曰我將東徒鳩曰何故梟曰鄉人皆惡我鳴以故東徒鳩曰子能更鳴可矣不能更鳴東

徒猶惡子之聲 說苑談叢

口舌

口者關也舌者機也出言不當四馬不能追也口者關也舌者兵也出言不當反自傷也 說苑談叢

難追

言猶射也括既離弦雖有所悔焉不可從而追已 說苑談叢

欲利

蠋欲類蠶解欲類蛇人見蛇蠋莫不身洒然女工脩蠶漁者持解不惡何也欲得錢也 說苑談叢

事權

逐魚者濡逐獸者趨非樂之也事之權也

說苑談叢

使人

登高使人欲望臨淵使人欲窺何也處地然也御者使人
恭射者使人端何也其形便也

說苑談叢

行本

百行之本一言也一言而適可以却敵一言而得可以保

國

說苑談叢

類及

響不能獨為聲影不能倍曲為直物必以其類及故君子

慎言出已

說苑談叢

從厚

明君之制賞從重罰從輕食人以壯為量事人以老為程

說苑談叢

品殊

君子之過猶日月之蝕也何害於明小人可也猶狗之吠

盜狸之夜見何益於善

說苑談叢

比義

君子比義農夫比穀

說苑談叢

有招

政有招寇行有招耻弗為而自至天下未有

說苑談叢

貴行

猛獸狐疑不若蜂蠆之致毒也高議而不可及不若卑論
之有功也 說苑談叢

傷多

高山之巔無美木傷於多陽也大樹之下無美草傷於多
陰也 說苑談叢

鮮知

鍾子期死而伯牙絕絃破琴知世莫可為鼓也惠施卒而
莊子深瞑不言見世莫可與語也 說苑談叢

無忘

枝無忘其根德無忘其報 說苑談叢

忌兩

兩高不可重兩大不可容兩勢不可同兩貴不可雙 說苑談叢

貴靜

默無過言慙無過事木馬不能行亦不費食騏驥日馳千
里鞭箠不去其背 說苑談叢

大較

寸而度之至丈必差銖而稱之至石必過石稱丈量徑而
寡失簡絲數米煩而不察故大較易為智曲辯難為慧 說苑談叢

乘勢

吞舟之魚蕩而失水制於螻蟻者離其居也猿猴失木禽
於狐貉者非其處也騰蛇遊霧而升騰龍乘雲而舉猿得
木而挺魚得水而驚處地宜也

說苑談叢

盛衰

天地之道極則反滿則損五采曜眼有時而渝茂木豐草
有時而落物有盛衰安得自若

說苑談叢

道狹

由是觀之君子道狹耳誠不逢其明主狹道之中又將險
危閉塞無可從出者

說苑雜言

聽易

祁射子見秦惠王惠王說之於是唐姑讒之復見惠王懷
怒以待之非其說異也所聽者易也故以徵為羽非弦之
罪也以甘為苦非味之過也

說苑雜言

愛憎

彌子瑕愛於衛君衛國之法竊駕君車罪則彌子瑕之母
疾人聞夜往告之彌子瑕擅駕君車而出君聞之賢之曰
孝哉為母之故犯則罪哉君遊果園彌子瑕食莢而甘不
盡而奉君君曰愛我而忘其口味及彌子瑕色衰而愛弛
得罪於君君曰是故嘗矯吾車又嘗食我以餘桃故子瑕
之行未必變初也前見賢後獲罪者愛憎之生變也

說苑雜言

務忘

太公田不足以償種漁不足以償網治天下有餘智文公
種米曾子駕羊孫叔敖相楚三年不知軛在衡後務大者
固忘小智伯厨人亡炙選而知之韓魏反而不知耶郢子
陽園人亡桃而知之其亡也不知務小者亦忘大也

說苑
雜言

能大

梁相死惠子欲之梁渡河而遽墮水中船人救之船人曰
子欲何之而遽也曰梁無相吾欲往相之船人曰子居船
楫之間而困無我則子死矣子何能相梁乎惠子曰居艘
楫之間則吾不如子至於安國家全社稷子之比我蒙蒙

如未視之狗耳

說苑雜言

不如

子獨不聞和氏之璧乎價重千金然以之間紡曾不如瓦
塼隋侯之珠國之寶也然用之彈曾不如泥丸騏驥駉駉
倚衡負輓而趨一日千里此至疾也然使捕鼠曾不如百
錢之狸干將鑊鄒拂鐘不錚試物不知楊刃離金斬羽契
鐵斧此至利也然以之補履曾不如兩錢之錐今子持楫
乘扁舟處廣水之中當陽侯之波而臨淵流適子所能耳
若誠與子東說諸侯王見一國之主子之蒙蒙無異夫未
視之狗耳

說苑雜言

短長

物各有短長謹愿敦厚可事主不施用兵騏驥駢足及千里置之宮室使之捕鼠曾不如小狸干將為利名聞天下匠以治木不如斤斧今持楫而上下隨流吾不如子說千乘之君萬乘之主子亦不如戊矣

說苑雜言

更儀

愚人有學遠射者參天而發已射五步之內又復參天而發世以易矣不更其儀譬如愚人之學遠射

說苑雜言

意移

目察秋毫之末者視不能見太山耳聽清濁之調者不聞

雷霆之聲何也唯其意有所移也

說苑雜言

衆非

百人操觚不可為固結千人謗獄不可為直辭萬人比非不可為顯士

說苑雜言

不犯

麋鹿成群虎豹避之飛鳥成列鷹鷂不擊衆人成聚聖人

不犯

說苑雜言

不一

騰蛇遊於霧露乘於風雨而行非千里不止然則暮託宿於鱮鱸之穴所以然者何也用心不一也

說苑雜言

心一

夫蚯蚓內無筋骨之強外無爪牙之利然下飲黃泉上墜
晞土所以然者何也用心一也 說苑雜言

幸難

語不云乎三折肱而成良醫夫陳蔡之間丘之幸也二三
子從丘者皆幸人也 說苑雜言

困得

吾聞人君不困不成王列士不困不成行 說苑雜言

困亨

夫困之為道從寒之及煖煖之及寒也唯賢者獨知而難

言之也 說苑雜言

莫知

夫驥厄罷盜車非無驥狀也夫世莫能知也使驥得王良
造父驥無千里之足乎 說苑雜言

不困

芝蘭生深林非為無人而不香故學者非為通也為窮而
不困也 說苑雜言

知難

不觀於高岸何以知顛墜之患不臨於深淵何以知沒溺
之患不觀於海上何以知風波之患失之者其不在此乎

說苑雜言

名隨

響不辭聲鑑不辭形君子正一而萬物皆成夫行非為影也而影隨之呼非為響也而響和之故君子功先成而名隨之

說苑雜言

來雜

夫隱括之旁多枉木良醫之門多疾人砥礪之旁多頑鈍夫子脩道以俟天下來者不止是以雜也詩云苑彼柳斯鳴蜩嘒嘒有淮者淵莞葦淠淠言大者之旁無所不容

雜言

說苑

虛受

昔者江水出於岷山其始也大足以濫觴及至江之津也不方舟不避風不可渡也非唯下流衆川之多乎

說苑雜言

詳湛

今夫蘭本三年湛之以鹿醢既成則易以匹馬非蘭本美也願子詳其所湛既得所湛亦求所湛

說苑雜言

難行

鞭朴之子不從父之教刑戮之民不從君之政言疾之難行故君子不急斷不意使以為亂源

說苑雜言

非人

非其地而樹之不生也非其人而語之弗聽也得其人如聚沙而雨之非其人如聚聾而鼓之

說苑雜言

嚴閉

船非水不可行水入船中則其沒也故曰君子不可不嚴也小人不可不閉也

說苑雜言

輔衆

依賢固不困依富固不窮馬斲斬而復行者何以輔足衆

也說苑雜言

視知

不知其子視其所友不知其君視其所使

說苑雜言

與化

與善人居如入蘭芝之室久而不聞其馨則與之化矣與惡人居如入鮑魚之肆久而不聞其臭亦與之化矣故曰丹之所藏者赤烏之所藏者黑君子慎所藏

說苑雜言

不及

譬之猶渴而穿井臨難而後鑄兵雖疾從而不及也

說苑雜言

治身

夫君子愛口孔雀愛羽虎豹愛爪此皆所以治身法也

說苑

雜言

擇人

是以君子擇人與交農人擇田而田君子樹人農夫樹田
田者擇種而種之豐年必得粟士擇人而樹之豐時必得
祿矣

說苑雜言

居間

夫仁者好合人不仁者好離人故君子居人間則治小人
居人間則亂君子欲和人譬猶水火不相能然而鼎在
其間水火不亂乃和百味是以君子不可不慎擇人在其

間

說苑雜言

自賊

憂夫肉自生蟲而還自食也木自生蠹而還自刻也人自

與妖而還自賊也五鼎之具不當生藜藿人主堂廟不當

生蒺藜

說苑辨物

見少

譬若以管窺天以錐刺地所窺者甚大所見者甚少

說苑辨物

與聖

故聖人之與聖也如矩之三雜規之三雜周則又始窮則

反本也

說苑修文

咸宜

君子者無所不宜也是故鞞冕厲戒立于廟堂之上有司
執事無不敬者斬衰裳苴經杖立于喪次賓客乎唁無不

哀者被甲纓冑立于桴鼓之間士卒莫不勇者故仁足以懷百姓勇足以安危國信足以結諸侯強足以拒患難威足以率三軍故曰為左亦宜為右亦宜

說苑修文

禮御

禮者所以御民也轡者所以御馬也

說苑修文

應天

天地陰陽盛長之時猛獸不攫鷙鳥不搏蝮蠱不螫鳥獸蟲蛇且知應天而况人乎哉

說苑修文

志變

鍾鼓之聲怒而擊之則武憂而擊之則悲喜而擊之則樂

其志變其聲亦變其志誠通乎金石而况人乎

說苑修文

質餘

丹漆不文白玉不雕寶珠不飾何也質有餘者不受飾也

說苑反質

自得

信鬼神者失謀信日者失時何以知其然夫賢聖周知能不時日而事利教法令貴功勞不卜筮而身吉謹仁義順道理不禱祠而福

說苑反質

一儀

尸鳩之所以養七子者一心也君子之所以理萬物者一

儀也以一儀理物天心也 說苑反質

黜機

衛有五丈夫俱負缶而入井灌韭終日一區鄧析過下車為教之曰為機重其後輕其前命曰橋終日漑韭百區不倦五丈夫曰吾師言曰有機知之巧必有機知之敗我非不知也不欲為也子其往矣我一心漑之不知改已 說苑反質

取粟

今當凶年有欲予子隋侯之珠者不得賣也玳寶而以為飾又欲予子一鍾粟者得珠者不得粟得粟者不得珠子將何擇禽滑釐曰吾取粟耳可以救窮 說苑反質

思念

好諫者思其君食美者念其親 說苑反質

不窮

布帛不窮窮不可飾牛馬不窮窮不可服士不可窮窮不可任 說苑反質

必窮

魯人身善織屨妻善織縞而徒於越或謂之曰子必窮魯人曰何也曰屨為履縞為冠也而越人徒跣翦髮遊不用之國欲無窮可得乎 說苑反質

維直

嬰仄陋之人也四維之然後能直

說苑臣術

成義

賢臣之事君也受官之日以主為父以國為家以士人為兄弟故苟有可以安國家利民人者不避其難不憚其勞以成其義

說苑建本

愈愚

人皆知以食愈飢莫知以學愈愚

說苑建本

學智

夫學者崇名立身之本也儀狀齊等而飾貌者好質性同倫而學問者智

說苑建本

伐本

士苟欲深明博察以垂榮名而不好問訊之道則是伐智本而塞智原也何以立軀也

說苑建本

言行

言之者行之後也行之者言之主也汝能行我能言汝為主我為後

說苑權謀

惡諫

昔桀罪諫者紂焚聖人剖王子比干之心紂氏之婦絡而失其紀其妾告之怨棄之夫亡者豈斯人知其過哉

說苑權謀

耻辱

衆人以毀形為耻君子以毀義為辱

說苑談叢

離合

敏其行修其理千里之外親如兄弟若行不敏禮不合對

門不通矣

說苑雜言

土宜

山川汙澤陵陸丘阜五土之宜聖王就其勢因其便不失其性高者黍中者稷下者稭蒲葦管蒯之用不乏麻麥黍梁亦不盡山林禽獸川澤魚鼈滋殖王者京師四通而致之

說苑辨物

嶽瀆

五嶽者何謂也秦山東嶽也霍山南嶽也華山西嶽也常山北嶽也嵩山中嶽也五嶽何以視三公也能大布雲雨焉能大歛雲雨焉觸石而出膚寸而合不崇朝而雨天下施德博大故視三公也四瀆者何謂也江河淮濟也四瀆何以視諸侯能蕩滌垢濁焉能通百川於海能出雲雨千里焉為施甚大故視諸侯也

說苑辨物

救藥

天下聞之皆曰扁鵲能生死人鵲辭曰予非能生死人也特使夫當生者活耳夫死者猶不可藥而生也悲夫亂君之治不可藥而息也詩云多將熇熇不可救藥甚之之辭

也說死辨物

祈雨

齊大旱之時景公召群臣問曰天不雨久矣民且有飢色吾使人卜之祟在高山廣水寡人欲少賦歛以祠靈山可乎群臣莫對晏子進曰不可祠此無益也夫靈山固以石為身以草木為髮天久不雨髮將焦身將熱彼獨不欲雨乎祠之無益景公曰吾欲祠河伯可乎晏子曰不可祠此無益也夫河伯以水為國以魚鼈為民天久不雨水泉將下百川竭國將亡民將滅矣彼獨不用雨乎祠之何益景公曰今為之柰何晏子曰君誠避宮殿暴露與靈山河伯

共憂其幸而雨乎

說死辨物

哭離

回曰今者有哭者其音甚悲非徒哭死又哭生離者孔子曰何以知之回曰似完山之鳥孔子曰何如曰完山之鳥生四子羽翼已成乃離四海哀鳴送之為是往而不復返也孔子使人問哭者哭者曰父死家貧賣子以葬之將與其別也

說死辨物

先質

故食必常飽然後求美衣必常暖然後求麗居必常安然後求樂為可長行可久先質而後文此聖人之務

說死及質

新序

奉君

良君將賞善而除民患愛民如子蓋之如天容之若地民奉其君愛之如父母仰之如日月敬之如神明畏之若雷

霆
新序雜事

唯諤

百羊之皮不如一狐之腋衆人之唯唯不如周舍之諤諤

新序雜事一

好士

夫劍產于越珠產江漢玉產昆山此三寶者以無足而至

今君苟好士則賢士至矣

新序雜事一

和寡

容有歌於郢中者其始曰下里巴人國中屬而和者數千人其為陽陵採薇國中屬而和者數百人其為陽春白鹿國中屬而和者數十人而已也引商刻角雜以流徵國中屬而和者不過數人是其曲彌高者其和彌寡

新序雜事一

鳳鯨

故鳥有鳳而魚有鯨鳳鳥上擊于九千里絕浮雲負蒼天翱翔乎窈冥之上夫糞田之鵝豈能與之斷天地之高哉鯨魚朝發崑崙之墟暴鬻於碣石暮宿於孟諸夫尺澤之

鯢豈能與之量江海之大哉故非獨鳥有鳳而魚有鯨也士亦有之

新序雜事一

墨墨

晉平公問居師曠侍坐平公曰子生無目朕甚矣子之墨墨也師曠對曰天下有五墨墨而臣不得與一焉平公曰何謂也師曠曰群臣行賂以采名譽百姓侵冤無所告訴而君不悟此一墨墨也忠臣不用用臣不忠下才處高不肯臨賢而君不悞此二墨墨也姦臣欺詐空虛府庫以其少才覆塞其惡賢人逐姦邪貴而君不悞此三墨墨也國貧民罷上下不和而好財用兵嗜欲無厭諂諛之人容容

在旁而君不悞此四墨墨也至道不明法令不行吏民不
正百姓不安而君不悞此五墨墨也國有五墨墨而不危
者未之有也臣之墨墨小墨墨耳何害乎國家哉

新序雜事一

大裂

中行氏之為政也以苛為察以欺為明以刻為忠以計多
為善以聚斂為良譬之其猶鞞革者也夫則大矣裂之道
也

新序雜事一

引肘

魯君使宓子賤為單父宰子賤辭去因請借善書者二人
使書憲書教品魯君予之至單父使書于賤從旁引其肘

書醜則怒之欲好書則又引之書者患之請辭而去歸以
告魯君魯君曰子賤苦吾擾之使不得施其善政也乃命
有司無得擅徵發單父單父之化大治

新序雜事二

隱語

淳于髡等曰狐白之裘補之以弊羊皮何如鄒忌曰敬諾
請不敢雜賢以不肖淳于髡曰方內而負釭如何鄒忌曰
敬諾請謹門內不敢留賓客淳于髡等曰三人共牧一羊
羊不得食人亦不得息何如鄒忌曰敬諾減吏省員使無
擾民也

新序雜事二

貴速

故所以尚干將莫邪者貴其立斷也所以貴騏驥者為其
立至也必且歷日曠久乎絲毫猶能挈石駕馬亦能致遠
是以聰明捷敏人之美材也 新序雜事二

離勢

鴻鵠保河海之中厭而欲移徙之小澤則必有弋繒之憂
龜鼃保深淵厭而出之淺渚則必有羅網釣射之憂今君
逐獸殪入至此何行之太遠也 新序雜事二

厭亡

虎豹之居也厭閑而近人故得魚鼈之居也厭深而之淺
故得諸侯厭衆而亡其國 新序雜事二

裹盡

譬無異夫路人反裘而負芻也將愛其毛不知其裹盡毛
無所恃也今吾田地不加廣士民不加衆而錢十倍必取
之士大夫也 新序雜事二

行道

忠信者士之行也言語者士之道路也道路不修治士無
所行矣 新序雜事二

善附

弓矢不調羿不能以中六馬不和造父不能以御遠士民
不親附湯武不能以勝故善用兵者務在於善附民而已

難詐

若以桀詐桀猶有幸焉若以桀詐堯譬之若以卵投石若以指繞沸若羽蹈烈火入則焦沒耳夫又何可詐也

新序雜事

仁兵

故仁人之兵鋌則若莫邪之利刃嬰之者斷銳則若莫邪之利鋒當之者潰圓居而方止若盤石然觸之者隴種而退耳夫又何可詐也

新序雜事三

封疆

國有封疆猶家之有垣墻所以合好覆惡也室不能相和出訟鄰家未為通計也

新序雜事三

益國

仁人也者國之寶也智士也者國之器也博通士也者國之尊也

新序雜事四

君力

晉平公問於叔向曰昔者齊桓公九合諸侯一匡天下不識其君之力乎其臣之力乎叔向對曰管仲善制割隰朋善削縫賓胥無善純緣桓公知衣而已亦其臣之力也師曠侍曰臣請譬之以五味管仲善斷割之隰朋善煎熬之

賓胥無善齊和之美以熟矣奉而進之而君不食誰能疆
之亦君之力也 新序雜事四

厚貴

臣之家有二白璧其色相如也其徑相如也其澤相如也
然其價一者千金一者五百金王曰徑與色澤相如也一
者千金一者五百金何也未公曰側而視之一者厚倍是
以千金梁王曰善故獄疑則從去賞疑則從與 新序雜事四

宜厚

墻薄則亟壞繒薄則亟裂器薄則毀酒薄則亟酸夫薄而
可以曠日待久者殆未有也故有國畜民施政教者宜厚

之而可耳

新序雜事四

小決

吾聞為國忠信以損怨不聞作威以防怨譬之若防川也
大決所犯傷人必多吾不能救也不如小決之使導吾聞
而藥之也 新序雜事四

不赦

子得罪於父可以因姑姊叔父而解之父能赦之臣得罪
於君可以因便辟左右而謝之君能赦之昔桀得罪於湯
紂得罪於武王此則君之得罪於其臣者也莫為謝至今
不赦 新序雜事四

貴受

江出汶山其源若甕口至楚國其廣十里無他故其下流多也人而好學受規諫宜哉其立也

新序雜事四

士誠

勇士一呼三軍皆辟士之誠也昔者楚熊渠子夜行見寢石以為伏虎關弓射之滅矢飲羽下視知石也却復射之矢摧無迹熊渠子見其誠心而金石為之開况人心乎唱而不和動而不隨中必有不全者矣

新序雜事四

網國

人置四面未必得鳥湯去三面置其一面以網四十國非

徒網鳥也

新序雜事五

資衆

天子居闔闕之中帷帳之內廣廈之下旃茵之上不出櫺幄而知天下者以有賢左右也故獨視不如與衆視之明獨聽不如與衆聽之聰也

新序雜事五

責已

夫薑桂因地而生不因地而辛婦人因媒而嫁不因媒而親子之事王未耳何怨於我

新序雜事

指屬

昔者齊有良兔曰東郭逄盖一旦而走五百里於是齊有

良狗曰韓盧亦一旦而走五百里使之遙見而指屬則雖韓盧不及衆兔之塵若躡迹而縱縹則雖東郭旣亦不能離今子之屬臣也躡迹而縱縹與遙見而指屬與新序雜事五

藉勢

子獨不見夫玄蟻乎當其居桂林之中峻葉之上從容游戲超騰往來龍興而鳥集悲嘯長吟當此之時雖羿逢蒙不得正目而視也及其在枳棘之中也恐懼而掉慄危視而蹟行衆人皆得意焉此皮筋非加急而體益短也處勢不便故也夫處勢不便豈可以量功校能哉新序雜事五

貴遠

君獨不見夫雞乎頭戴冠者文也足傅距者武也敵在前敢鬪者勇也見食相呼仁也守夜不失時信也鷄雖有此五者君猶日淪而食之何則以其所從來近也夫鴻鵠一舉千里止君園池食君魚鼈啄君菽粟無此五者君猶貴之其所從來遠也臣請鴻鵠舉矣新序雜事五

在用

臣聞食其食者不毀其器蔭其樹者不折其枝有士不用何書其言為新序雜事五

似士

君之好士也有似葉公子高之好龍也葉公子高好龍鈞

以寫龍鑿以寫龍屋室雕文以寫龍於是天龍聞而下之
窺頭於牖施尾於堂葉公見之弃而還走夫其魂魄五色
無主是葉公非好龍也好夫似龍而非龍者也今臣聞君
好士故不遠千里之外以見君七日不禮君非好士也好
夫似士而非士者也

新序雜事五

始壯

噫將使我追車而赴馬乎投石而超距乎逐麋鹿而搏豹
虎乎吾已死矣何暇老哉噫將使我出正辭而當諸侯乎
決嫌疑而定猶豫乎吾始壯矣何老之有

新序雜事五

老成

未有咫尺角驂駒而能服重致遠者也由此觀之夫士亦華
髮墮顛而後可用耳

尺短

夫尺有所短寸有所長驥騮駉驥天下之俊馬也使之與
狸馳試於釜竈之間其疾未必能過狸馳也黃鵠白鶴一
舉千里使之與燕服翼試之堂廡之下廬室之間其便未
必能過燕服翼也辟閭巨闕天下之利器也擊石不缺刺
石不銼使之與管彙決日出眯其便未必能過管彙也由
此觀之華髮墮顛與叩何以異哉

新序雜事五

阻諛

夫雞豚謹噉即奪鍾鼓之音雲霞充咽則奪日月之明
人在側是以見晚也詩曰聽言則對讚言則退庸得進乎
新序雜事五

難進

珠王者人主之所貴也和雖獻寶而美未為玉尹用也進
寶且若彼之難也况進賢人乎賢人與姦臣猶仇讎也於
庸君意不合夫欲使姦臣進其讎於不合意之君其難萬
倍於和氏之璧又無斷兩足之臣以推其難猶拔山也千
歲一合若繼踵然後賢王之君興焉其賢而不用不可勝
載故有道者之不戮也宜白玉之璞未獻耳
新序雜事五

為富

彼君子也以養賢為富我鄙人也以鍾石金玉為富

新序
刺奢

六

寶異

宋人有得王者獻諸司城子罕子罕不受獻王者曰以示
王人王人以為寶故敢獻之子罕曰我以不貪為寶爾以
玉為寶若與我者皆喪寶也不若人有其寶故宋國之長
者曰子罕非無寶也所寶者異也
新序節士七

貴通

直而不枉不可與往方而不圓不可長存
新序節士七

去君

介子推曰推聞君子之道為人子而不能承其父者則不敢當其後為人臣而不見察於其君者則不敢立於其朝然推亦無索於天下矣新序節士七
不祥

夫山銳則不高水狹則不深行特者其德不厚志與天地疑者其為人不祥鮑子可謂不祥矣其節度淺深適至而止矣新序節士七

命在

虎豹在山林其命在庖厨馳不益生緩不益死新序義勇八

因時

夫神蛟濟於淵而鳳鳥乘於風聖人因於時新序善謀十
必勝

今以中國之大萬倍之資遣百分之一以攻匈奴譬如以千石之弩射癰潰疽必不留行也新序
有衰

夫衝風之衰也不能起毛羽強弩之末力不能入魯縞盛之有衰也猶朝之必暮也新序善謀十
通方

夫草木之中霜霧不可以風過清水明鏡不可以形避也

通方之人不可以文亂新序善謀十

魚諫

楚人有獻魚楚王者曰今日魚獲食之不盡賣之不售棄之又惜故來獻也左右曰鄙哉辭也楚王曰子不知漁者仁人也蓋聞困倉粟有餘者國有餓民後宮多幽女者下民多曠夫餘行之蓄聚於府庫者境內多貧困之民漁者知之其以此諭寡人也且今行之於是乃遣使恤鰥寡而存孤獨出倉粟發幣帛而振不足罷去後宮不御者出而妻鰥夫楚民欣欣大悅鄰國歸之故漁者一獻餘魚而楚國賴之可謂仁智矣劉向新序雜事二

烈女傳

德膠

隰桑有阿其葉有幽既見君子德音孔膠夫婦人以色親以德國姜氏之德行可謂孔膠也烈女傳周宣姜后

懷智

是懷晏子之智而加以八尺之長也夫躬仁義事明主其名必揚矣烈女傳周列國齊相御妻

內助

故賢人之所以成者其道博矣非特師傅朋友相與切磋也妃匹亦居多焉烈女傳周列國齊相御妻

積素

妾聞玉石墜泥不為汙柳下覆寒女不為亂積之於素雅故不見疑也烈女傳周列國齊威虞姬

白寃

妾聞寃婦哭城城為之崩亡士歎市市為之罷誠信發內感動城市妾之寃明於白日雖獨號於九層之內而眾人莫為毫釐烈女傳周列國齊威虞姬

不飾

不飾耳夫飾與不飾固相去十百也女曰夫飾相去千萬尚不足言何獨十百也王曰何以言之對曰性相近也習

相遠也昔者堯舜桀紂俱天子也堯舜自飾以仁義雖為天子安於節儉茅茨不剪采椽不斷後宮衣不重采食不重味至今數千歲天下歸善焉桀紂不自飾以仁義習為苛文造為高臺深池後宮蹈綺毅弄珠玉意非有饜時也身死國亡為天下笑至今千餘歲天下歸惡焉由是觀之飾與不飾相去千萬尚不足言何獨十百也烈女傳周列國齊宿瘤女

類異

夫牛鳴而馬不應非不聞牛聲也異類故也此人必有與人異者矣烈女傳周列國齊孤逐女

國柱

大王知國之柱乎王曰不知也逐女曰村相國是也夫柱
不正則棟不安棟不安則椽椽墮則屋幾覆矣王則棟矣
庶民椽椽也國家屋也夫屋堅與不堅在乎柱國家安與
不安在乎相今大王既有明知而國相不可不審也烈女傳周
列國齊孤逐女

比成

王之國相比目之魚也外比內比然後能成其事就其功
王曰何謂也逐女對曰朋其左右賢其夫妻是外比內比
也烈女傳周列國齊孤逐女

物徵

昔者齊桓公尊九九之人而有道之士歸之越王敬螳螂
之怒而勇士死之葉公好龍而龍為暴下物之所徵固不
須項烈女傳周列國齊孤逐女

交賢

昔者武王罷朝而結絲綵絕左右顧無可使結之者俯而
自申之故能成王道桓公坐友三人諫臣五人日舉過者
三十人故能成伯業周公一食而三吐哺一沐而三握髮
所執贄而見於窮閭隘巷者七十餘人故能存周室彼二
聖一賢者皆伯王之君也而下人如此其所與遊者皆過
已者也是以日益而不自知也今以子年之少而位之卑

所與游者皆為服役子之不益亦以明矣烈女傳周列國魯季敬姜

壁隣

魯與齊通壁壁鄰之國也烈女傳周列國臧文仲母

繆辭

歛小器投諸台者言取郭外萌內之於城中也食獵犬組羊來者言趣饗戰鬥之士而繕甲兵也琴之合甚思之者言思妻也臧我羊有母是盖告妻善養母也食我以同魚同者其文錯錯者所以治鋸鋸者所以治木也是有木治係於獄矣冠纓不足帶有餘者頭亂不得梳飢不得食也故知吾子拘而有木治者烈女傳周列國臧文仲母

愚相

子誠不習於禮不達於人事以此相一國據大衆何以理之譬猶掩目而別黑白也掩目而別黑白猶無患也不達人事而相國非有天咎必有人禍烈女傳周列國魯公乘

忘舊

與人同寒苦雖有小過猶與之同死而不去况於安新忘舊乎烈女傳周列國晉趙衰妻

禍及

盜憎主人民愛其上有愛好人者必有憎妬人者夫子好直言枉者惡之禍必及身矣烈女傳周列國晉伯宗妻

華飾

實穀不華至言不飾今陽子華而不實言而無謀是以禍及其身烈女傳周列國晉伯宗妻

養子

南方有鳥名曰乾吉食其子不擇肉子常不遂今胙與鮒童子也隨大夫而化者不可養以不義之肉烈女傳周列國晉羊妘姬

甚惡

有奇福者必有奇禍有甚美者必有甚惡烈女傳周列國晉羊妘姬

料死

妘姬之始生妘魚也而視之曰是虎目而豕喙鵠眉而牛

腹豁壑可盈是不可饜也必以賂死烈女傳周列國晉羊

恤士

子不聞越王勾踐之伐吳客有獻醇酒一器王使人注江之上流使士卒飲其下流味不及加美而士卒戰自五也異日有獻一囊糗糒者王又以賜軍士分食之甘不踰嗑而戰自十也今子為將士卒并分蒹粒而食之子獨朝夕芻豢黍粱何也烈女傳周列國楚子發母

兼女

妾聞堂上兼女所以觀人能也妾不能以私蔽公欲王多見知人能也烈女傳周列國楚莊樊姬

表儀

天子者天下之表也公侯者一國之儀也天子失制則天下亂諸侯失節則其國危烈女傳周列國楚平伯嬴

體臣

將相之於孤猶股肱也今移禍焉庸為去是身乎烈女傳周列國

楚昭越姬

同渡

簡子將度用楫者少一人娟攘卷操楫而請曰妾願備父持楫簡子曰不穀將行選士大夫齊戒沐浴義不與婦人同舟而渡也娟對曰妾聞昔者湯伐夏左驂驪右驂牝靡

而遂放桀武王伐殷左驂牝騏右驂牝驥而遂克紂至於

華山之陽主君不欲渡則已與妾同舟又何傷乎烈女傳周列國

趙津女娟

富敗

荅子治陶三年名譽不興家富三倍其妻數諫不用居五年從車百乘歸休宗人擊牛而賀之其妻獨抱兒而泣姑怒曰何其不祥也婦曰夫子能薄而官大是謂嬰害無功而家昌是謂積殃昔楚令尹子文之治國也家貧國富君敬民戴故福結於子孫名垂於後世今夫子不然貪富務大不顧後害妾聞南山有玄豹霧雨七日而不下食何也

欲以澤其毛而成文章也故藏而遠害犬豕不擇食以肥其身坐而須死耳今夫子治陶家富國貧君不敬民不戴敗亡之徵見矣烈女傳周列國陶荅子妻

行仁

君聞昔者公劉之行乎羊牛踐葭惻然為民痛之恩及草木豈欲殺不辜者乎烈女傳周列國晉弓工妻

為勞

昔帝堯茅茨不剪采椽不斷土階三等猶以為為之者勞居之者逸也今妾之夫治造此弓其為之亦勞其幹生於太山之阿一日三觀陰三觀陽傳以燕牛之角纏以荆糜

之筋糊以阿魚之膠此四者皆天下之妙選也而君不能以穿一札是君之不能射也而反欲殺妾之夫不亦謬乎妾聞射之道左手如拒右手如附杖右手發之左手不知此蓋射之道也平公以其言而射穿七札烈女傳周列國晉弓工妻

從一

適人之道一與之醮終身不改不幸遇惡疾不改其意且夫采采芣苢之草雖其臭惡猶始於採之終於懷擷之浸以益親况於夫婦之道乎烈女傳周列國蔡人妻

三遷

鄒孟軻之母也號孟母其舍近墓孟子之少也嬉遊為墓

間之事踴躍築埋孟母曰此非吾所以居處子也乃去舍
市傍其嬉遊為賈人街賣之事孟母又曰此非吾所以居
處子也復徙舍學宮之傍其嬉遊乃設俎豆揖讓進退孟
母曰真可以居吾子矣烈女傳周列國鄒孟軻母

廢學

子之廢學若吾斷斯織也夫君子學以立名問則廣知是
以居則安寧動則遠害今而廢之是以不免於廝役而無
以離於禍患也何以異於織績而食中道廢而不為寧能
衣其夫子而長不乏糧食哉女則廢其所食男則惰於修
德不為竊盜則為虜役矣烈女傳周列國鄒孟軻母

閨修

夫婦人之禮精五飯幕酒漿養舅姑縫衣裳而已矣故有
閨內之脩而無境外之志烈女傳周列國鄒孟軻母

不借

忠臣不借人以力貞女不假人以色豈獨事主若此哉於
死者亦然烈女傳周列國楚白貞姬

一心

尸鳩以一心養七子君子以一儀養萬物一心可以事百
君百心不可以事一君此之謂也烈女傳周列國魏芊慈

